

六安州志卷之五十八

雜類志 四

封系

封系表

王

公

侯

伯

子男

虞

皋陶封於皋陶與地俱未詳因伯其後伯爵故書於此以存疑也

六安州志

卷之五十八

封系

一

夏

仲甄

皋陶次子大禹封為英伯

商

周

英子

武王封少昊後

六子

皋陶後降爵為子

漢

英布

高帝元年項羽立英布為九江王六

四年漢立布為淮南王

六年

孔聚

封蓼夷侯索隱曰蓼縣名屬六安

六安州志

卷之五十八

封系

二

劉長

高帝子十一年封為淮南王英布故地

九年

孔臧

聚子嗣封

劉勃

文帝十一年立勃為衡山王分

王簡

壽州人
洪武十
三年追
封雲山
侯諡忠
毅

封系傳

皋陶卽庭堅高陽氏有才子八人齊聖廣淵明允篤誠
天下謂之八愷庭堅其一焉初漁於雷澤虞舜求旃
以爲士師明法弼教民協于中封於皋爲皋陶夏禹
封其後於六周襄王三十年秋爲楚所滅其裔爲理

六安州志

卷之五十八

封系

五

李英偃等氏至唐天寶二年追尊曰德明皇帝

英布六人少年爲布衣有客相之曰當刑而王及壯坐
法黥布欣然笑曰幾是乎已論輸驪山與其徒長豪
傑亡之江中爲羣盜陳勝起布廼見番君番君妻以
女與其衆叛秦聚兵數千人北擊秦引兵而東聞項
梁定江東會稽廼以兵屬項梁布常冠軍項梁立楚
懷王英布號當陽君懷王徙都彭城是時秦急圍趙
趙數使人請救懷王使宋義爲上將范增爲末將項
籍爲次將英布蒲將軍皆爲將軍悉屬宋義北救趙

及項籍殺宋義懷王立籍爲上將軍諸將皆屬籍籍
使布擊秦數有利遂破秦軍功冠諸侯諸侯兵皆以
服屬楚者以布數以少敗衆也項籍至咸陽布常爲
軍鋒項王封諸將立當陽君布爲九江王都六漢元
年項氏立懷王爲義帝尋弑之漢二年項王擊齊徵
兵九江布稱病不往漢敗楚彭城布又不佐楚項王
由此怨布布恐漢三年漢王擊楚不利用謁者隨何
計說布歸漢漢四年七月立布爲淮南王與擊項籍
漢五年布使人入九江得數縣六年布與劉賈入九

六安州志

卷之五十八

封系

六

江誘大司馬周殷周殷反楚遂舉九江兵與漢擊楚
破之垓下天下既定十月乙丑武王英布遂剖符爲
淮南王都六九江廬江衡山豫章郡皆屬布七年朝
陳八年朝雒陽九年朝長安十一年高后誅淮陰侯
布心恐及誅梁王彭越醢之徧賜諸侯淮南王方獵
見醢大恐陰令人部聚兵備警急適中大夫賁赫以
罪亡乘傳詣長安告變上使人徵驗淮南王淮南王
遂發兵上廼立皇子長爲淮南王自將兵東擊布遇
於廡西大戰布軍敗走渡淮數止戰不利與百餘人

走江南布故與番君婚以故長沙哀王使人給布偽與亡誘走越故信而隨之番陽番陽人殺布茲鄉民田舍十二年十月也布亡皇子長爲淮南王

附吳芮初項羽既入關自立爲西楚霸王分封諸將以番君芮率百越佐諸侯又從入關故立爲衡山王都邾高祖五年二月乙未徙芮王長沙本年薨

劉長高祖少子也早失母常附呂后十一年立爲淮南

王王黥布故地凡四郡九江廬江衡山豫章王有材力孝文帝三年入朝椎殺辟陽侯審食其赦弗治歸

六安州志

卷之五十八

封系

七

國益驕恣六年謀反事覺廢遷蜀至雍不食死以列侯葬於雍諡曰厲十二年徙城陽王喜王淮南故地喜齊悼惠王肥孫朱虛侯章子也十六年上憐厲王失國早夭徙喜復王故城陽四月丙寅以厲王子阜陵侯安爲淮南王安陽侯勃爲衡山王周陽侯賜爲廬江王皆復得厲王時地三分之孝景三年吳楚七國反淮南得完吳使至衡山衡山堅守無二心至廬江廬江弗應而往來使越四年吳楚平勃入朝上以爲貞信曰南方卑涇徙王濟北以褒之一年薨諡曰

貞徙廬江爲衡山王王江北淮南王如故元狩元年十月淮南王安謀反事覺自剄國除爲九江郡元朔七年衡山王賜謀反事覺自剄國除爲衡山郡

孔聚以執盾前元年徙起碭以左司馬入漢爲將軍三以都尉擊項籍卽楚漢春秋及史記所謂孔將軍居左者六年正月丙午封蓼夷侯孝文九年子臧嗣元朔三年坐事免國除

劉慶景帝子膠東康王寄少子也元狩二年七月封爲六安王以故陳爲都立三十八年薨諡曰共始元四

六安州志

卷之五十八

封系

八

年子夷王祿嗣十四年薨本始元年子繆王定嗣二十三年薨甘露四年子頃王光嗣二十七年薨陽朔二年子育嗣立三十三年王莽篡貶爲公明年廢王志臨濠人驚猛有謀畧至正壬辰志年十八起兵取濠逾年歸太祖於滁陽戰功甚著歲甲辰陞飛熊衛親軍指揮使守禦六安乙巳三月改六安衛指揮使洪武元年奉命北征三年大封功臣封六安侯賜鐵券十九年八月卒贈許國公諡襄簡賜葬鍾山子威嗣二十三年坐事失侯降安南衛指揮使

六安州志卷之五十八

雜類志 五

戚晚

五代

東晉穆帝穆章何皇后諱法倪廬江潯人也父準后以名家膺選升平元年八月下璽書以禮納采使武陵王晞等持節奉冊立爲皇后后無子哀帝卽位稱穆皇后居永安宮桓元篡位移后入司徒府路經太廟后停輿慟哭哀感路人桓聞而怒曰天下禪代常理

六安州志

卷之五十八

戚晚

九

何預何氏女子事耶乃降后爲零陵縣君與安帝俱西至巴陵及劉裕建義殷仲文奉后還京都下令曰戎車屢警黎元阻飢而餽御豐靡豈與百姓同其儉約咸相供給勿令稍過后時以遠還欲奉拜陵廟有司以寇難未平奏停元興三年崩年六十六在位凡四十八年

宋廢帝子業何皇后令婉右衛將軍瑀女也孝建三年納爲皇太子妃大明五年薨于東宮徽光殿年十七謚曰獻妃帝卽位追崇曰獻皇后明帝踐阼遷后與

帝合葬龍山北

南齊廢帝鬱林王昭業何妃婧英駙馬都尉撫軍將軍戢女也永明二年納爲南郡王妃十一年爲皇太孫妃鬱林王卽位爲皇后將拜鏡在牀無故墮地后稟性不淑帝復恣之及帝被廢貶爲王妃

何瑀字穉玉尙宋武帝少女豫康長公主名次男瑀位右衛將軍贈金紫光祿大夫

何顒之司空尙之弟義興太守悠之子也尙宋太祖第四女臨海惠公主太宗朝官至通直常侍

六安州志

卷之五十八

戚晚

十

何戢字惠景尙宋孝武帝長女山陰公主拜駙馬都尉官至侍中卒年三十六謚曰懿

何敬容以名家子弱冠選尙齊武帝女長城公主拜駙馬都尉梁天監中爲建安內史